

同安縣志卷之十一

署廨

自古設官分職因以所治爲公署故出而臨民則有堂入而燕處則有寢詎得視官廨爲傳舍而忽諸同邑爲閩南要區駐監司以嚴防守設元戎以壯干城凡文武署廨莫不隨其儀制辨其等威豈第肅觀瞻謀宴息已乎居斯署者尙其潔已奉公實心盡職以期無忝爾位焉可志

署廨

同安縣志

卷之十一

署廨

縣署在葫蘆山前左首五代天成四年建宋大中祥符五年縣令宋若水重建中有祐賢堂闢畫朱子改爲清心後改爲牧愛又扁視民如傷又有六吾堂闢畫舊書張子西銘于屏間元至元閒縣令蘇進明宣德十年知縣張琦相繼修中爲正堂左爲幕廳正堂前爲露臺隸亭甬道戒石亭儀門兩序爲胥吏六房正堂後爲穿堂西爲架閣庫北爲後堂後堂之後爲內衙其廳曰鳴琴旋更爲樂只儀門左爲寅賓館右爲縣獄儀門外東爲土地祠南



爲譙樓扁曰拱秀樓左旌善亭右申明亭樓前爲  
縣門成化九年知縣張遜修署乃買民地改立二  
亭於縣門外左右嘉靖閒知縣許仁鄧一相先後

立題名碑於正堂之北

明黃偉記凡公署有題名以紀厥官其來舊矣吾邑

肇自五代而斯闕焉仁和竹厓許子先尹德化以  
治優移吾邑未逾年考最乃於堂東立石類題國  
初以來令丞簿尉且紀其鄉及出身履歷不知者  
闕之虛左以俟續書屬予記焉謂將考其賢否以  
自警且以警夫將來者予惟是舉也豈特可以警  
夫父母斯土斯民也哉亦可以警夫斯土之士若  
民也夫父母於斯者皆聖君賢相以爲賢才而禮  
命之者也閒有不才未必皆君相之誤也世惟中  
材最多士若民或因得以邪誑之奸利干之故始  
以廉能至者終或以貪暴去而自五代迄今將及

同安縣志

卷之十一

署廡

二

千年雖不惑於士民者不少獨紫陽朱文公以主  
簿能速化士民爲首稱而莫與京焉嗚呼民不足  
責也士爲民望者亦爲之何心哉茲爲采列實以  
示之凡登華堂覽貞石父母於斯者固得鑒別賢  
否以爲勸戒而爲士若民者亦將指之曰某也賢  
不受變於士民某也不賢士某實病之也安知讀  
紫陽書者不咸勉厥修以  
復紫陽舊風也哉是爲記

國朝順治閒署廡燬

於寇康熙元年知縣卞世珍始建大堂十八年復

燬於寇知縣金振麟蓋茅堂三十一年知縣馮俞

昌建穿堂吏舍共九閒三十六年知縣李時熙建

倉庫七閒四十一年署縣徐之霖重建大堂易茅

爲瓦四十二年知縣路松年建穿堂後小樓及大



門二門四十六年知縣蔣沛五十二年知縣朱奇  
珍繼修雍正十一年圯於水乾隆三年知縣唐孝  
本五年知縣周岱相繼重建

縣丞署在金門後浦

乾隆三十一年移駐灌口四十五年仍舊駐此

浯洲場鹽大使署在翔風里陽田保

乾隆八年就踏石司廢宇重修

烈嶼場鹽大使署在烈嶼下林鄉

祥豐場鹽大使署在翔風里澳頭

灌口巡檢署在灌口

石滸巡檢署在廈門港

同安縣志

卷之十一

署廨

三

照磨署在馬巷

原駐踏石巡檢乾隆四十年移通判駐此將踏石巡檢改為照磨

劉五店巡檢在劉五店

典史署在縣署西

原在縣署東 國初海氛陷城折毀後改建今處

教諭署宋以前不可考明嘉靖二十八年署縣事通

判吳嶽始建於

文廟右之北後廢為荒圃教諭

寄居序賓亭後

國朝康熙雍正閒仍即序賓亭

為署乾隆二年知縣唐孝本於訓導汪芷所建

崇聖祠東三間添建六間為教諭署

訓導署宋以前亦不可考明嘉靖二十八年署縣事



通判吳嶽於 文廟右教諭署之東西建二訓導署後廢訓導寄居衣冠亭石 國朝雍正九年訓導汪芷建廨三間於 崇聖祠東乾隆二年知縣唐孝本移訓導廨於文公祠後添建九間於旁四十五年圯於水五十九年生員高有繼倡建

城守參將署在縣城東市

都司署在灌口寨口內

中軍守備署在縣城小蘆山前

水師提標中營參將署在廈門城內

同安縣志

卷之十一

署廨

四

左營守備署在廈門洪本部渡頭

右營遊擊署在廈門附寨社

守備署在廈門附寨社

前營遊擊署在廈門和鳳社

守備署在廈門港

後營遊擊署在廈門附寨社

守備署在廈門港

水師鎮標左營遊擊署在翔風里後浦

守備署在翔風里後浦



右營遊擊署在翔風里後浦

守備署在翔風里後浦

統轄分防鎮守各官署 附

興泉永道署在廈門城北門外 國朝雍正五年自

府城移駐

廈防同知署在廈門港 國朝康熙二十五年從府

署左移建乾隆十七年攝廳事白瀛重修乾隆三

十年防廳黃彬於署右大門內添造監獄一座大

小共十四間

同安縣志

卷之十一

署廨

五

通判署在馬巷

國朝乾隆四十年建前三十一年

白晉江縣安海移住金門四十年復自金門移駐

於此

水師提督署在廈門城 國朝康熙二十四年將軍

侯施琅建中為正堂東西廊為本稿諸房前為露

臺甬道儀門大門外為鼓吹亭南為轅門轅門外

為將裨官廳正堂後為穿堂為內署又後為來同

別墅

鄭纘祖說大將軍施公受命專征既平海國  
乘鐵坐鎮於吾郡之廈門城小而壯為東南  
舟楫輾地左挹山光右收海色萬頃滙瀾諸峯  
競秀有負山襟海之勢軍旅之暇公於府治後曰



同安縣志

卷之十一

署廨

六

地高下為園為堂為齋為亭為軒窓臺榭各極  
 曠地故多巨石又從而松之竹之梅之桐之大不  
 盈數畝高出城上俯瞰內外如列眉睫間予客其  
 中四關月悠哉忘返客有問予曰美哉園亭所以  
 命名其義可得聞乎予應之曰可夫園曰涵園言  
 海也涵萬象也堂曰足觀觀於海而足也示不驕  
 不吝也亭曰青礪曰介亭枕激也帶礪也介於石  
 也不苟取也齋曰旭齋軒曰醉月昭其明也曰指  
 昇遠不忘君也曰羅浮懷彼美也客曰美哉園亭  
 其義我知之矣然則園之外有曰來同別墅其說  
 何居于其更為我言之予曰難言也雖然嘗聞之  
 矣其在詩曰徐方既來徐方既同天子之功公其  
 以臺灣新入職方猶徐方之來同歟論曰有朋自  
 遠方來易曰同人于野公其樂與賓從遊歟抑外  
 國之梯航來此者于以見車書之會同歟或曰公  
 起家于同廈同地也公其復來建牙歟別墅賭碁  
 也其以誌彭海之奇捷歟是皆未可知也然予見  
 公鑿海築堤引流入池藏巨艦焉其易也如覆杯

水於坳堂以芥為之舟公固有移山倒海之規模  
 園亭結構其小焉者嘗贈予初度詩曰臘月青霜  
 梅吐妍乾坤運轉却知年公之胸懷高曠又何如  
 知其命意遠矣然則未可知者未之知也其可知  
 者又豈能盡知之哉客喜而笑相與踞石  
 引滿陶然而醉不知月出於東山之上  
 東為夾  
 道道東為幕廳內為司廳外為射圃署西為大道  
 為廳事又有足觀堂澄心堂八風亭方池怪石諸  
 勝最北有亭跨北城為城中最高處可以望遠

金門總兵署在浯洲嶼後浦

國朝康熙閒總兵官

陳龍改建中為正堂為儀門左右為鼓吹亭南為

轅門轅門外為將裨官廳後為內署東為東花廳



羣房西爲西園幕廳

廢署 附

宋丞廳在縣治左有堂曰簡靜後名省齋後圃有亭名曰貯清宋時建 國朝順治閒燬於寇十六年丞王庭極重建後復被寇燬

主簿廨在縣治右

尉廳在東門外直縣治正北西偏爲甲仗庫又西偏爲小廳其後有梅齋門之外有秀野亭前爲教場有堂名整暇

同安縣志

卷之十一

署廨

七

明察院行署在縣治東萬曆三十一年知縣王世德重建

布政分司行署在縣治西大輪驛左舊爲稅課局正統閒知縣朱徽建成化十一年知縣張遜隆慶閒知縣鄧一相相繼修

按察分司行署在縣治東舊爲惠民藥局又改爲道署後乃爲司正統閒知縣張節成化閒知縣張遜相繼修

興泉道行署在縣治東正統九年知縣張節成化



十一年知縣張遜相繼修

海道行署在中左所西門外

府館在察院右後建大同書院今移

海防館在中左所城西門內萬曆三十一年同知

楊一桂建

高浦巡檢司舊在縣西積倉坂後徙縣南二十二

都

塔頭巡檢司舊在石湖徙置二十二都塔頭村

峯上巡檢司舊在縣十八都從南安蓮河徙此後

同安縣志

卷之十一

署廨

八

改下店

田浦巡檢司舊從安溪源口渡徙置十八都浯洲

嶼

陳坑巡檢司舊從晉江石井鎮徙置十八都浯洲

嶼

官澳巡檢司在十七都 國朝移駐踏石

烈嶼巡檢司在二十都從澳頭徙此 國朝移駐

石滸以上七司皆洪武二十二建

澳頭巡檢司在縣西十一都正統年間設



亭溪巡檢司在十三都正統元年設萬曆九年改  
建白礁充龍山 國朝移駐灌口

浯洲場鹽課司在十七都洪武二十五年建轄倉

埕十四所曰永安曰官澳曰田墩曰沙美曰浦

頭曰南埕曰季保曰古寧曰寶林曰東沙曰方

山曰斗門曰烈嶼曰南北二倉今改歸鹽政

稅課局在縣西桂林坊內正統閒改為布政分司

行署

河泊所在縣三都浦頭洪武十六年設

同安縣志

卷之十一

署廡

九

陰陽學在縣治南擢賢坊

醫學在縣治東城隍廟右成化十八年建

僧會司在梵天寺

道會司在朝元觀



驛傳

置郵傳命務在急公馬遞曰置步遞曰郵古者以車謂之傳車其後又單置馬謂之驛騎同是為泉漳臺灣水陸衝衢章奏支移來往恆必由馬我

朝整飭驛傳馬遞舖遞晝夜奔馳各有限制法良意美夫何有稽遲之失也哉志驛傳

大輪驛在大輪山寺左宋時建名大同驛元移於縣

西門為同安驛明洪武九年知縣吳銘重建改今

同安縣志

卷之十一

驛傳

十

名正德元年知縣李彰重建嘉靖閒推官譚鎧知

縣許仁棍繼修

明李源記維皇建國程分驛置

西創始於宋移於元名殊地改國朝洪武改元之九年即元基改今名尹銘新之漸而地正德之初尹彰新之而又圯數十年之閒政弛費殷則圯之甚棟撓廈傾中支數木野蔓封於簷牖望之頽然使者之來倉皇天書縱橫貢物僦民居止焉僦金之積浮於新構供具什物頤之人居假貸竊匿之閒終莫之勝弊四偏隙地則又半食居者之蠶因之也嘉靖辛卯春三月大巡義烏虞公東至實視之霜飛鵬擊之餘抉剔弊源白度惟貞分巡績溪胡公承菴惟章惟果屬有茲議上之大巡曰嘉環額推官曰譚鎧惟汝能爾鎧其相之宜惟誠惟贏汝實經之爾鎧其覈之侵惟究惟售汝實始之其毋怠於是推官奉以周旋方鳩僦功蠶者訊之惟均四偏之界視舊有加焉比偏隙地繪之弦外請



於民入數金者世尊實率有役薨薨登登始於四月既望五月下浣落之前堂後寢臺門譙閣左右夾室觀者有改庖福廢獄甃石砌之類改觀於舊賓至共如歸乎虞公旋漳之節復視之曰官其匪康以能有成功如此推官曰於茲役也其紀之日月嗟乎高其閤閣厚其牆垣以無憂客使春秋褒之夫始議之誠繼事之勤臺憲實綜之其利民一事之盛也與哉為是記若夫嗣而葺之將終不朽其胡今

後廢萬歷王子知縣李春開重建

蔡獻臣記

同安縣志

卷之十一

驛傳

十一

舍而巧於為人者飭廚傳以媚過賓總之亦為已地耳兩者吾無取焉大輪驛故元同安驛地在縣治西自洪武至正德年間及嘉靖辛卯前令相繼新之八十年來傾圮殆盡賓之至者率僑寓也公署以去今李侯下車愛養元元百務咸舉乃擇委典幕王君應元佑議修費計用工料共一百餘緡而侯捐俸以佐之不啻三之一議定上之郡道兩臺既覆敷咸報可於是以前歲壬子首春興事季夏報竣凡重門周垣堂寢庖福之制井井秩秩而一切搬運之費皆屬權宜設處工覈而成亟官省而民不勞則侯之經畫審而幕之督率勤也然侯之為是役也取苞茂經久而已不極觀焉君子之至於斯也雖不廢造請然不乏事而已無加禮焉視諸傳舍其官與飭廚傳媚過賓者相去何如也侯嘗葺書院以崇紫陽清銅魚以復形勝皆關邑大計修廢振墜費不及民併茲而三矣是賢者之舉也不書何以示後李侯名春開別號青岱江右廣昌人王典幕浙江江山人其時驛丞為富陽王學



呂亦成厥功併記之  
上至康店驛七十里下至深青驛六十里原係驛丞專理  
國朝以典史兼管乾隆二十一年歸縣管理現在額設贍夫六十名抄單走遞防夫等六名兜夫十五名乾隆三十二年添設遞夫二名馳遞臺省往來公文

深青驛在縣西六十里宋名魚孚在安民鋪之側元移今所明洪武十四年知縣方子張重建景泰元年尚書薛璉令主簿蔡璘重建上至大輪驛六十里下至漳州府龍溪縣江東驛六十里原係驛丞

同安縣志

卷之十一

驛傳

十一

專理 國朝乾隆二十年裁汰歸縣管理現在額設贍夫六十名抄單走遞防夫等六名兜夫十五名

按大輪深青二驛初設之時每驛上馬三匹每匹編米五百石中馬二匹每匹編米四百石下馬三匹每匹編米三百石驢五頭每頭編米五十石夫首六十五名每名編米三十石防夫二十五名每名編米二十八石五斗正德十四年以前俱同安安溪二縣民米糧戶親當十五年



御史沈灼改將糧戶減徵解官給發未幾仍復  
親當嘉靖十六年御史李元陽盡革馬驢議復  
官當每米一石徵銀一錢六分八釐有閏加銀  
一分鋪陳馬價每石徵銀一分俱解府給驛官  
當二十九年每驛議設夫保十名每名另編工  
食銀一十二兩領銀應役四十三年議革夫馬  
照前官當仍議每石上量加銀八分其徵銀二  
錢五分至萬歷十二年賦役書冊照米編銀一  
千九十二兩三錢二釐二十一年加編銀二百

四十四兩六錢五分五釐又加閏月銀九十六  
兩九錢八釐四毫三十年加編內監夫廩銀八  
十兩二錢一分七釐三毫協助黃田驛銀一十  
三兩三錢六分九釐五毫其實編銀一千五百  
二十七兩四錢五分二釐二毫內解府給驛銀  
一千二百五十四兩六錢一分九毫三絲七忽  
解福州府協站銀三十八兩六錢八分九釐六  
毫三忽協助黃田銀一十三兩零又解府轉解  
福州府總府衣資供應銀八兩二錢五分七釐



為監夫廩銀八十兩零存縣給薪傘夫三十五兩四錢無閏之年扣解布政司充餉至康熙癸巳志已云前項俱經革去只存畱給贍夫六十名每名額設日給工食銀二分大建月該銀三十六兩小建月該銀三十四兩八錢抄單走遞解徒防夫等六名每名額設日給工食銀一分六釐六毫零大建月該銀三兩小建月該銀二兩九錢堯夫十五名每名額設日給工食銀二分大建月該銀九兩小建月該銀七兩八錢俱有填馬匹者一馬准夫三名有用車輛者一車准夫十六名有廩給者每分或二錢錢八錢六不等俱照上驛之例有填口糧者每分給銀五分歷已成例向驛官給領今又越數十年其制更不相符姑附於此俾後之覽者知所考云

鋪遞附

縣中大路日縣前總鋪起上至小盈為四鋪下至仙店為七鋪計一十二鋪

乾隆四十年撥小盈店頭沈井下尾店聖林劉五店



等六舖司兵共二十五名工食銀一百六十二兩六錢三釐歸馬恭寧管理

小盈舖 額設司兵五名上接南安縣東嶺舖下接馬巷廳屬店頭舖

店頭舖 額設司兵五名上接小盈舖下接沈井舖俱屬馬巷廳

沈井舖 額設司兵五名上接馬巷廳屬店頭舖下接本縣洪塘舖

洪塘舖 額設司兵四名上接馬巷廳廳屬沈井舖下接縣前舖

縣前舖 原為東門舖額設司兵五名上接洪塘舖下接烏泥舖

烏泥舖 額設司兵四名上接縣前舖下接新塘舖

新塘舖 額設司兵四名上接烏泥舖下接芎溪舖

芎溪舖 額設司兵五名上接新塘舖下接安民舖

同安縣志 卷之十一 驛傳 五

安民舖 額設司兵五名上接芎溪舖下接魚孚舖

魚孚舖 額設司兵四名上接安民舖下接深青舖

深青舖 額設司兵五名上接魚孚舖下接仙店舖

仙店舖 額設司兵四名上接深青舖下接龍溪縣龍江舖交界

舊設小路八舖

五通舖改設小路烏泥舖 額設司兵二名

永豐舖改設康方舖 額設司兵二名

宮澳舖改設兌山舖 額設司兵二名

平林舖改設集美舖 額設司兵二名



草市舖改設高崎舖 額設司兵二名

北門舖改設蓮坂舖 額設司兵二名

廈門舖改設和鳳舖 額設司兵二名

金門舖改設和鳳舖 額設司兵二名

以上八舖乾隆二十六年以烏泥康方兌山集

美高崎蓮坂等六舖舖務稀少裁汰僅存金廈

和鳳二舖添設小路六舖

添設小路六舖併舊存二舖共八舖

下尾店舖 馬巷屬額設司兵二名乾隆二十六年添設二名上接小盈舖下接聖林舖

同安縣志 卷之十一 驛傳 共

聖林舖 馬巷屬額設司兵二名乾隆二十六年添設二名上接下尾店舖下接劉五店舖

劉五店舖 馬巷屬額設司兵二名乾隆二十六年添設二名上接聖林舖下接五通舖

五通舖 額設司兵二名乾隆二十六年添設二名上接劉五店舖下接甸塘舖

甸塘舖 額設司兵二名乾隆二十六年添設二名上接五通舖下接金雞亭舖

金雞亭舖 額設司兵二名乾隆二十六年添設二名上接甸塘舖下接廈門和鳳舖

廈門和鳳舖 額設司兵二名上接金雞亭舖下將公文交船戶帶往臺灣澎湖投遞

金門和鳳舖 額設司兵二名上接和鳳舖下將公文交船戶帶往金門各衙門分投

又另設二舖

金門渡口一舖 額設司兵二名



石灣一鋪

額設司兵二名渡夫一名

乾隆二十六年添設各鋪司兵及金門渡日石灣二鋪司兵共一十七名每名年給工食銀三兩一錢二分共應銀五十三兩四分將裁汰小路烏泥康方兌山集美高崎蓮坂等六鋪工食銀四十四兩六錢四分撥給尚不敷銀八兩四錢官為捐給係在外議詳變通辦理未經題咨歷年奏銷冊仍照原額設司兵造報

同安縣志卷之十一終